

TRZESZ KASZĘBSKŌ

CZĄDNIK
KASZĘBSKICH ZAJMOV



V MJONO BOSKJI
NORODNI VZENJIK

Vědovajici i redaktor wodpowjedzalni:
IGNACY SZUTENBERG — GDYNIA
ul. Świętojańska 14.

«Zrzesz Kaszëbskŏ» vëchodô 1 roz v mje-
saci. Przedpłatnô je rocznje 3.00 zł;
kvarialno 0,75 zł. Czqdk 25 gr.

NR 5

KARTUZE, maj 1938 r.

ROK VI

Wo analizę vseblosknjęcim

JAKŌ MUSZI BĚC NAJŌ SKARNJŌ?

Vjelę sę pisze wo „wokolim kaszëbskim“, a tej-
sej provadzi sę godkji czē v kołeczku rodzeznē, czē
też szerszym partu, chteren mō v svojim programje
zgrovę dozeranjiho swojszczegnē. Czekavi to są di-
skuseje, a wosoblevo wu młodech. Vjidze sę tu
dovo nastavenjē te czē neho procemku do swoich
tateczanach zajmov. Z gvosniho przekonanjih vjem
ju, że są v takjich godkach womeńte vjalgji vogji,
ale i też zafarvjoni dosc wuzemno. Zestavjivszē ne
dva procemnŏte vëpodo z njech svjada, że młodim
vev gvesnim dzelu felec cvjardiho kroku, felec jima
provdzevi, svoji skarnjē; mają vev se co do Ka-
szëbjiznē storiho dëcha njecasovniho (njeaktualniho)
na zdradnji politikji na dalekszi meto, a cało mło-
dechnē, vigodnē sprazonē swoich dołożnoscov (przē-
jemnoscov). Gvoscevje vžavszē spravę njima sę ko-
mule dzevjic, ko jakji semjē, takji zejnivjenjē. Ale
boczme tež, że przē vëskji kulterzē rolovi i to le-
chi semjē może lepszi dac zejnivjenjē. Vjic choci
momē zasani semjē krotkovjidnotē, zgrovejmē do
lepszih brzodovanjŏ, do zafarvjenjiho naji skarnjē
(oblicza) gvosnima znankama, przetrovjonima przode
objektivizmę v wuvzëcim (kvesteje) Kaszëbjiznē (czē
Pomorskoscē naji). Trzebno nom kureszcze vzie
sę do se, trzebno kosink ch c e c zazdrzec v zotor
provdē bez sofizmatŏv i „sztebackjeh“ jakanjo..

Jukuž-že mō szlachovac najŏ skarnjŏ? Czē mō
wona mjec znankji przemądrzaliho dzecka ze zmę-
czoną woseną? A może mō mjec znakji chitriho
lesa ze zëbjiskjē lva? Vej, może kadzelnjika gvo-
sniho wodolemonjenjŏ?! Njeszczescē! Ta skarnjŏ
dzevŏ zez przebladlim kosink jesz licę novjici dovo
sę vjidzec. Na te, a na leckę jinech zapetnjikov może
cē le tvoja analizŏ jestē vseblosknjęcim (vzerac v se)
wodpowjedzec — analizŏ sëmjenno, žebe przē novi

sinteze nje da roztonu (disharmonije). Njechże ka-
nje młodi człovjek przed spovjednjikjē, przed sëmje-
njim norodnim i zacznje spovjedz vedle przëkozanjov
wobovjazu procem do provdē do se, tej norodu
svojihŏ i państwa polskjihŏ — ceż wuczeje? Czē
nje dërgnjesz tam njeszczescni mądrzelo wo przëbla-
dlim licu i zmęczoni skarnjē? Czē nje dëgnjesz
Kaszëbko na zmeslenjē tvojiho wuzemniho žëcŏ?!
Gorzki smjeh skrzevi Vama lepe, njigle vëpovjedzā
słova: rovno — głëpstvo. Przindze refleksjŏ: a mo-
że — jednak jo! Rozkłodosz jestē na pjervjostkji,
sprobuj tež pomeslec wo atomach. Wod te zacznjē
i robjē sintezę vedle pravov provdē bezvzglëdni
procemku do se. Drožeszczę tim zbuduj so novā
jestē wo fudameńce gvosniho kriteczemu. Jele
mdzesz spravjedlevi i mdzesz mjoł vëszavnā zgrovę
(ambicję szlachetną) i takji vëmovjenjē svojihŏ pro-
cesu sintezē z konjecznŏtē dëcha dlŏ wodrodē Ka-
szëbov dlŏ gromjistoscje Polskji — naleziesz svoję
skarnjē, a ji znankji mą mjileczni dlo Polskji i tvo-
jihŏ norodu. Fudameńtovā znankā naji skarnjē
muszi bēc wotroczanē vseczecē (senovskji wuczeē)
dlŏ zajmov najech. Jele nje veznjesz sę na tē, to
i też dopelnjenjē jej skoszlavjisz. Czē pudzesz
drožeszczę politekji, gospodorkji, nowukji, czē vjetē
(sztekji) vjedno mdzesz mjoł skarnjē bladā, njeca-
łovną. Bez lubjenjŏ swojszczegnē v jej provdze
stanjesz sę sechā szczapā, chterna skrzepji tak, jak
vjater dmuchŏ!

Cvjardŏ muszi bec skarnjŏ najŏ, bez wuprze-
dzivanjŏ do spravē naji (zrzeszińcov), wopjartŏ na
vjalgjim wulubjenjim nomjesziho (vsē), a zgrovajacŏ
do vëszavniho dejalu: Wodroda Kaszëbov dlŏ Vjalgji
Pomorskji, Vjalgŏ Pomorskŏ (historecznŏ) dlŏ Gro-
mjisti Polskji.

Rëbjok

Wo znjemczenjim Kaszebov nadwodrzańskjich

Vejimk z Čenově „Trze rozprave przez Stanisłova, woroz Kijle słov wo Kaszebach ě jich zemji — przez Wojkasena“, Krakov 1850.

Wod nodovnjeszecz czasov zamjeszkivelē Kaszebj, częśc vjelgjejo norodu słovjańskjejo, całā przestrzeń, wobjętā rzekami Wodrā, Vartā, Notecā ě Vjisłā a morzē Bolteckjim — czele Vjelgjim, i tak długo zachovele svoje wobeczaje, svojē movē v częstosce, pokād nje przējelē vjarē chrzescejańskji.

Zaros z jeji zaprovadzenjim mjedze Wodrā ě Parsantā zaczęlē sē vkradac do zemji kaszebskji cezi zveczaje, cezō godka; bo pierszi głoselē słowa Bożeho, novjicij wod zochodu abo poľnja przēchodajāci, starelē sē rozszerzec abo jęzek koscelni, to je łacińskji, abo svoj wojczesti, to je njemjeckji. Wu njechternech dobrze meszlācech kseży dzało sē to z potrzebe, ale wu vjikszi częsce belē vzgledē politchni. Gvesno z te a nje z jinszi przeczenē naszi przodkovje tech njeproszonech gosci baro njechętno przyjmovelē, choc jejich vjara pogańsko, czele Słowjańsko, do vjare chrzescejańskji barzo podobnā belā; bo wonji vjerzelē v bjeleho Boga, to je Boga; v czorneho Boga, to je czorta — czele czorta; v njesmjertelnosc deszē, v nodgrodę za dobri ě karę za zli czene po smjerce.

Tak zapitejā sē podług Kanzova v 1124 r. p. n. Ch. mjeszkańce mjasta Szczecena, v vjerze wojcov žejāci, Ottona biskupa bamberskjiho, jim novi zokon wopovjodajāceho, v ten sposob: „Po co mē momē novā vjarę przējic? Czē dlo teho, abe jesme belē rovnimi jinszim chrzescejanom? Tej mē to chętno zrobjimē; ale žebe mē jesmē sē przez to mjele stac bogobojnjeszimi, temu mē žodnā mjarā nje vjerzimē, bo vjidzimē, že mjedze chrzescejanami sā vjiksžē zbrodnje njiszlē mjedze nami, to je: kradzerz, morderstvo, złodziejstvo, lža, woszekañstvo, tak vjelgō picha, buchā, znjevoga, že njechterni chrzescejanje zdrzā z pogardā na svojē vlosnā religiję. Takjejo zokoni mē sobje decht njijak nje žeczimē. Nom sē vėdaje, že vē jednje dlo teho tak gorlevje pragnjece nas chrzescejanami zrobjic, abe jesz potemu nas tim letkji pod svojē moc ě vladzē zagarnēlē“.

Sto lat pozdnji, to je kol 1230 r, ksāżę pomorski ve Gduńsku Svjetopolk klosztor v Bukovje, nje-dalek Słępska, vėstavjel i v braku jinszech mnichov do njeho njemjeckjich sprovodzoł, bel lud kaszebskji ju tak vjele wod dechovjeństva njemjeckjiho wucerpjel, že vkrotce zokonnjikov peszno venekoł i klosztor v gruzmakji znjiszczel.

Jak zazveczoj selō dechovnō za sobā dzałanjē fizeczni pocigō, a potemu skutkji coroz vjikszi vėvo-luje, tak sē i tu dzało. Dopjerze tej sē začę germanizacējō v Kaszebach nadwodrzańskjich njegodzevje

szerzec, kje sē cesarzovji njemjeckjimu Fridrikovji I. wudało jejech xāżęt Kadzemjerza ě Bogusłova dlo svojijo zamjaru naklonjic. Zaprosovzē wobedvuch 1181 r. do wobozu sveho pod Bukoveę (Lubeka) tak jich wumjel głodkjiimi słovkami, vjelgjiimi wobjetnicami, nadzveczajnimi/vjidokami sobje wuvjic, že wonji vjel-gjiimi ksāżętami Rzesze Njemjeckji zostavszē do dom vrocelē. Takjich Njemeszekovno rzeszel, zdrzeszel ě wurzeszel. „Je to małō „czesc ě honor“ povjodo vspomnioni Kanzov „v porovnanju z wolnosćā, chternā wutracelē. Przedtim nje bele wonji njikomū podlegli, rozporzadzēlē ě rzadzēlē svojim krajē podług vlosni i całeho norodu volē“. A Saxo Gramatik, dziejopji-sorz duńskji na poczātku XIII vjeķu žejāci, nazevo te honore, str. 371 „poddañstvo przewodzonē blichtrę godnosć“

Z teho łaczenjō sē z Njemcami povstało coroz gorszē pōłożenjē dlo tamtejszech Słowjanov. Ju Bogusłov, zostavszē po smjersce brata sveho Kadzemjerza panē całeho ksāstwa Nadwodrzańskjiho v Szczecenje, poselē svojev senov Bogusłova e Kadzemjera do biskupa zvjerzickjejo (Shwerin) Berno, abe sē bogobojno vėchovelē ě szvargotanjō njemieckjejo nawuczēlē, a przez to zdatnjeszima do rzādu sē stalē i wod Njemcov barzij povożani belē. Jakle sē chcevim sasādom, czele meszokom, w ten sposob wudało ksāżętov Kaszebov nadwodrzańskjich tak dalek doprovadzec, co sē zaczęlē norodovosce svech przodkov vėrzekac, nje zabeł ten chitri lud z mādřā głovā, ale bez serca, wo zuchvalszech, njegodzevszech krokach.

Vspomniani cesorz njemjeckji Fridrik, Żołtobrodin zvani, chcāc wosłabjic tak Duńczekov jak Pomorzanov, abe sē kjekolvjek nje łaczelē z jeho głovnim njeprejecelē Henrikę, przedomk Lva majācim, ksāżęcē saskjim, namovjel Bogusłava, jakno vjelgjejo ksāżeca Rzesze Njemjeckji, do rozpocznenjō vojnē z Kanutē, krolē Daniji, a potemu jehō v samim boju zeradzecko wopuscel.

Njeszozestlevi, woszekani przechrzta, choc sē baro mēżno bjel, stracel na morzim 500 wokrętov, całē vojsko i jesz vjelgā grepē ledi, bo Duńceze, zvecęževszē na morzu, vkroczelē do jehō kraju, mordovelē bez mjełoserdzo storech ě mlōdech, a dzevczēta pesznē, snożē bjālkji, nokosztovnjeszī sprzēta zabjerelē ze sobā na wokręte i wodvozelē to vszetko tam het do sviho kraju. Ksāżę kaszebskji, njī mogāc sē dożdac pomocē cesarskji, bel na kuńcu zmuszoni zrobjic przemjerze choc jak nolechsze. V svojim nędznim pōłożenjim przērzek won Duńczekom przez kjile lat znaczne seme pjenjādzi davac i njigde vojnē anji procem ksāżętom Rugiji, sprzemjerzeńcom krola, nje provadzec.

BERNARD SECHTA.

Poeta z Puzdrova postęпно vědovajacě dokozk po dokožu dzevuje kaszebskjé wokolé (regjon). Tvorznjô jeho zajmivô stateczną kortę v najim kaszebskjiho pjismjonictva dorobjenjim. Dobetno noleži naznankovac rozmajitosć jakbe rovijnov (płaszczeznov) na jakjeh tvorzi. Po pierszim dejovim dokozu „Spjacě vojsko“ veszła rzecz verazno ledoznajorzko (folkloristicznô) „Hanka“, a teru rzecz ledovô, javernô, z mjitkijm podobjeństwě témě do notech.

Je to jednak nen som svjat, chteren wopjisivo, chłopstvo kaszebskji, i no samo poblosknięcć na njen: wobzer (wobserwacejô) kaszebskjiho ledu z mjelotą, le z gvesnjiho woddalenjô. Te znankji Sechtovi tvorznjě możemě wuwôzac za gvoscevi jemu. Wopjisivô svjat z chterniho sę vjedeje, choci nje je jeho svjatem, i z nątka jego jinszi punkt zdrzenjio jak wu dregjeh kaszebskijeh poetov.

Vatk povjodakji (fabulě) vev nim dokozu je baro prosti. Wodpoloni vrejôrz probuje na baro njeszekovni, a jesz mji bezgrzeszni ôrt kopac dole pod procemnjikę ve vreju, le to kuńczy sę na njicim.

„V ti vojnje — povjodô Kanzov — teli Vendov (to je: Pomorzanov, czele Kaszebov) poległo, poginięło, że całi wokolece sę pustkami stalë“. Po takji klęsce beł ten zdradzoni przemjerzeńc cesarza njemjeckjiho zmuszoni do branjô Sasov ë jinszych włoczęgov do zemji slovjańskji, chterni przez vpliv svojeh ledzi, wosoblevo cesarza, jeho wurzędnjikov ë mjescovë dechovjeństvo vnet nje letko vszetkji wurzędę v svoje ręce dostelë, ale, co jesz gorszi, z pogardą zdrzelë na pravnech, wodvjecznych posodoczov ti zemji nadwodrzańskji i njibe za jakjě lechszi stvorzenja jich wuvozelë; movę, wobeczaje ë przemysł Slovjanov starelë sę vëtěpjic; v szkołach, v sądach ë pjismach zaprovadzelë jëzek łaceńskji abo njemjeckji; z czech krajov pozlecali mestrovje wutvorzelë tak zvanë gilde, czele ceche, do chterneh żoden Pomorzanjin v całim kśęstvjie nje beł przëjęti i mestersva nje wosignął: tak nji mog tu bęc Kaszeba anji porządni, prawnim szevcę, krovcę, kovolę, cesłą, stolarzę, kusnerzę, tokarzę, bednarzę, i tam dali, anji jakjimkolvjek wuczalim, cobe sobje głovą na chleb zarobjel. Jeho przeznaczenjim beło służec i rolą wuprovjac dło panov Nlemcov abo pomogrę bęc wu jakjihos ceziho mestra, to je stanovjic pevnı gatenk rozemniho bedła. Slovē, nad Wodrą vszetko slovjańskji tak długo Njemcom smjedzało, jasz vësmjerdzało woproc chleba pomorskjigo, chteri jım beł ë je mjodnim.

IDZIEWCZE I MJIEDZA

Zaworanjé bo vjekovi mjedze nje je letką źle v całosce możebną spravą, a to samo chvoto sę dregjiho womeńtu mstë: podsenjęcô vjinë procemnjikovji.

Poeta dovaje nom tu kavaluszk provdzevıho a javerniho kaszebskjiho žęcô, pobloskovi (poglądovi) przykład dnja i desze, procë i njepomachtanech dziejov kaszebskjiho ledu. Zrobjel to z tim szekję javarnotë, jakji zdradzel nom ve „Vojsku“, źle jidze wo žęcë ledu, i z farvnotą jak vev „Hance“. Javernota takô je dzisi v modze, znankuje całą literatere najech czasov (Roztworowski, Dąbrowska, Shaw), je rovnak vjalgjim pjisarzem dramatnim cezô. Tim vjici dzevuje naji v sztece womeńt guslov — misticezmu, zjavienjé sę postacejě, vzęti nje subjektivno, le jakno javernota dramatnô (decze wu Szekspira). Podobni roztone (disharmonje) nalezc możemě ju v przednych dokozach poetë. Akcejô dramatnô je dosc wubogô, dobetno movjac leno są jeji zoczątkji. Zaživanjé bo tobakji czë podanjé sznepoldika i t. p. nje je jesz akceją dramatną, choci na zdrzadnji robji resznosc i gvesni zaczekavjenjé. Nje je to tragicznô fel, bo i Shaw'ovi, a navetka Fredrze można to je vëkazac. Za to snożecną je jinszo strona dokozu: charakteristeka wosobov, Kaszebov ë malovanjé svjata i bleżnotë (wotoczenjô) kaszebskji. I djalog je mesterno provadzoni. Do nech dobrotov (zaletov) dochodo jinô. Jidze wona nje z gvoscevojë poetickji poetë, leno ze skromnotë akcejë ë mô vjalgji znaczenjé v practice, to je letkosć wodegranjé sztekji. Nje vëmogo wona njick, co be sę nje nalazło v koźdi vsë kaszebskji. Vszetko razę vząvszë dokoz mô dobrotę, chterni przedni nji mają: Nje dovaje żodnech grędoscov (trednoscov) technicznych anji dejovech; noprostszi lud ję rozmjeje. Je to vjic zjavjiszcze v najech varenkjach kulteralnych baro zveskovni. Wod takji bo sztekji njicht nje żado vëmogov vësokji literatere, do chterni ko nje chce sę rechovac. Jele zvarcimë wuvogę na postępnı dvje rzeczy, to są to chudzi formalni, a vjic „Schönheitsfehler“, letkji navetka do napravjenjô. Vedług titla: Dzevczë ë mjedza, koźdi be żdoł na jistę taką, jaknobe szło wo mjelosc, v chterni stori spieranjé wo greńce gro fatalną rolę i nalezivo katastrofanë abo komedjarskji rozrzeszenjé. Takji konflikt je znani ve vjalgji europejskji dramje (Fredra Shakespeara). Tu zôs njick podobniho njima. Vjic titel dokozu nje je gvoscevi. Juvernô je sprava podzelenjio na 5 aktov. Vedle jistë je to chudzi jednoaktovka v 5 zdrzadnjach. A navetka mjast „dramat“ lepij be sę zevoł: „Wobrozk žęcovi (wobeczajovi) v pjęc zdrzadnjach“.

(Postępnı vatk mdze)

Retra — slovjańskji Akropol

Cemžę kulterě najech wojev ve vjekach do vno minjonech praderchivo dzisi coroz vijci parmiń nowukji, wodkrivajacě snojnję dzisi jakbe bojkovech časov. Bo dzesz wosta noževszo pamjatka po zomkov iszczach, po kontinach przesnožech nožejszi architektura, i Arkoně, dze Svantevid berle trzas dalek za greńce Ruje i po Vinece, po Retrze z bogę wojarskim Svarozecę v Redgoszczę? To vszetko vjidzi se bojeczka, czeje se teskną spjevą... A jednak belo przed vjekama provdzevji.

Hevo njiži dani artikjel vastě Stanisława Jakubowskiego, brani z nogvesnjesziho kronjikorza njemjeckjiho Thietmara, chteren pozvolomě so v przekaszebnjenim drekovac ze „Światowida” z dnja 5 strumjannjika, je pravje kjileslovov vo ni słovni kontinje Retrze, dze kavle podalę vojne cze miru.

Red.

„Jednim z pierszech njemjeckjich kronjikorzov pjiszacęch wo bogach i kontinach Słowjanov nad Wodrą beł Thietmar, vjedejaci se z rodu saskjich chrbjov z Valbeck. Wurodzeni v r. 976 a wumarli przed 1030 r. mdacę bjiskupę merseburskim, wuvozól za svoj wobovjatk szerzec chrsescejanstvo strzod pogańskjich szczepov slovjańskjich nad Wodrą“.

„V svojim „Chronicon” napjisol won: Je jedno grodzeszcze v kroju Redarov, zevani „Riedegost” — Redgosz, chterno mō trze brome... dvje brome grodzeszcza stoją wotemkli dlo vszetkijch przechodivajacęch, trzecō zōs, chterna je zvarconō pod vzenjik je nomjeszā i przez nję provadzi stegna nad jezoro... Na grodzeszczu tim njima njick wokoma kontině artesteczno zbudovani z drzeva (fanum de ligno artificiose compositum...), wobstrojoni buten rzezbama bogov i boginjov, bene zos z sztaturov bostvov przedni mōl mō („Zaurasici”) Svarozec“.

„Przē kontinje ni chovelē svjētiho konja dlō vroženijho przed kožderną vēcignją vojarską, zōs v kontinje wuložoni beł stanjice, z chternima cignelē na vojnę.

Z podaniho przez Thietmara zevjiszcza gardu Redarov „Riedegost” — Redgoszczę zrobjeł milno v dregji połovje XI stalatiho Adam z Breme boga Radgosta, teonijho w gardze Retrze, a kronjikorz Helmhold v dregji połovje XII stalatiho z te zevjiskja „Riedegost” zrobijl Radgosta, boga zemji Wobotretov.

V r. 1050 zamordovelē tu v Retrze dvuch cze-skjich kaplanov, pražecęch lud wobotreckji navrocec na vjarę chrsescejanšką. V r. 1066 vėbuchło tu povstanje Wobotretov procem chrsescejanom; dobelē tede Mikilimbura kole Vismaru, zrabczelē stādka biskupa Jana, a po wobcęcim mu nogov i rękov i głove delē go v wofjarze noveszszimu svojimu bo-

govji v Retrze. Rozmjerzoni tim czenę biskup Bur-chard z Halberstadtu vėszekovol v mjonje młodiho krola Henrika IV vēcignję na Letokov, znijkvjel jejech krōj wognję i mjeczę, zrejnjeł kontinę v Retrze i na dobetim svjētim konju Svarozeca varcel do Saksonje“.

„Te kronikorskji wopjise kontině Retrē-Redgoszczę schłoscelē do te, že ju wod roku 1519 naczelē archeolodze njemjeckji szekac mōlu, dze stojā kjedes na kontina“.

„Jiže Thietmar beł povjedzeł, že Redgosz leži v kroju Redarov, szukelē ni Retrē nopjervji v Meklenburgije nad rzeką Pjaną, a v kuńcu na jezorach kole mjestov Feldbergu i Carwitz v pońjovo-vzajnicznim dzelu Meklenburgije“.

„Po vjelelatovim proźnim szukivanjim za grodzeszczę, dze stojec mja na kontina Retra, naloz je dopjerze v rujanje 1922 r. archeolog njemjeckji K. Schuchardt i wopjisol je v svoji próce: Arkona, Retra, Vineta, vedani v r. 1926.“

„Grodzeszcze to, wodnalazlē przez Schuchardta, leži na gorze zevani dzisi Schlossberg, chterna tvorzi jakbe połwostrov jezora Breiter Lucinersee, položonijho na vzenjik wod mjasta Feldberg“

„Gard ten, 114 m. dlugji, a 30—45 m. szerokji, skłodo se z dolnijho i gornijho gardu. Na gardze gornim, wovjińcovanim vkoł vōlem i murę, stojā v samim strzodku kvadratovō drevnjanō kontina ē ten gard gorni mjoł trze vjeze z bromama, z chternejch jedna malinkō stojā nad spjichovatim zberkję jezora“.

„Gard dolni wovjińcovani teź beł vōlem i murę, a mjoł sztere brome, tj. trze ve vjezach, czvorto malinkō bromka provadzela do zdroju. Głównō bromma beł dlo pjechtech i z ti brome jaź do brome gornijho gardu szlē vıgodni 3—3 i poł m. szerokji stepjinje“.

„Na gornim grodzeszczu wokoma kontině stojālo jesz 9—10 budinkov dlo kaplanov i služebnjikov ē chlev dlo svjētiho konja“.

„Wo grodzeszczu tim tak povjodo Schuchardt: „Položenje to je tak vpanjalē, že przēboczivo wono ateńskji Propileje, na chterne vıgodno vıńdz belo možno wod stope gardu jaź na som gard, a i dlō pjechtech przewjidivani tu beł stepjenje“.

„Na grodzeszczu tim nalezlē baro vjele kavaluszkov naczinjav grodzeszkovech (slovjańskjich) i movji Schuchardt, že skorepkji te svojā budacejā i vekuńczenim vskozivajā, že tu nje mjeszkoł zvezajni lud slovjańskji, le elita, chterna beł rovnō pozdnjeszim ledom kulterarnim, przēńęconim wuževac porcelanovech naczinjav z Meissen“.

Zębjiskje czasu schrupało dzisi vszetko. Tamsam dō se jesz časę vėdrzec svjodka provdē wod cze-stijho zanjikvjenjo. Wosta jesz „bojka“ v bojce, vo chterni provdę takā cze jinā wuczali se spjerajā.

WZENJIK ARKONĖ

Tragedejô v 4 aktach — AKT PJERSZI

2)

ALIKS:

V dësze be gvosni szukoł vjikt,
Kjej zgjinac ju nje chce jak czura znô —
Bo z ledzki mu desze le wostoł ceń —
Kjej wojcov svich tu dzeje vjalgi mō.
Do ce jem szed ževi naj zdradlo tē,
Dze spjik naj grędzi nobarži.
Do ce jem szed molu z ni Arkonē,
German bo mō ce poceskli.
Won vszēdne mō zemje Pomorzanov!
Won lechov ē Czechov; nom je jak kat!
Zôs terczoł žgrze gorni lud Bałkanov.
Tak wupchli je Slavje ōrt wod stalat!
Tak v geńbje są brate! Czē grob to naj?
Nje!! — Dovej znak ledom v dnju dzisi chaj
Arkono, płomje tē słodē,
Že žejesz, vcig žēcō ē słuńsa chcesz,
Že mdzemē moc mjele na Njemcov rak.
Vzenjknjē ju z morlavjenjō! —
Kjej zemja ta czec mdze Porenku ton:
Bracenji, chcę parłęcenjō?
Le dzisi tam gręda jak vszēdze je..
Vjic muszē jic chutko, bo czas nje ždže
Rozbudzivat Ruje i vszēden lud...

(Lesni-Gulicen z daleka wod Aliksa na czeti wostat-
ni jehō słowa podchodo bleži)

GULICEN:

Do jakjech to vaspon sę jimo zbud?

ZDRZADNJO 2.

GULICEN (przē Al.)

Vjidzivom vas tu pjerszi rōz.

ALIKS:

Bo jō z dalekjiho tu krōju jem
I v gojek so po drodze zloz.
Kjej wodpoczne sobje v dukt pudę nen.
Co selō to žēcē nje le wo mje
A vszēdnech naj bratov ē tež wo ce.
Tej ter' wopociszku z tim słovę bjei.
Chterniho meslē vziti mosz.
Jō vjidzē v ce brata, tež na mje ždej.
Naczęci z hevo svjēti znosz:
Tē movą tež mje wojcov przēvjitoł,
Jich decha vjie Njemc jesz nje wuziboł.

GULICEN:

Ha, dzivno mje barži...

ALIKS:

Tak mogę rzec

Moj brace tak baro lubotni mje.

I muszē vas dvoje za klekę mjec,

Že žēcē naj rodni tu v kosku je:
Taci sę v vadołach, po rzmach,
Dzes v checzach po nortach jesz blado zdrzi
Tamsam tež i ževszi i farvnijj skrzi.
Kureszeze choc dzes je vev snach —
Aie je, žēcō chce! Le rob,
Žebe go dvjigac, nje pchac v grob!

GULICEN:

Ceż czeję dzis...

ALIKS:

Spjevę chcę zbudzec tu,

Co szarpje mje deszē dło povstē vaj,
Co zedrze ze skarnje ceń trupa ju,
A v njeba dō vstapjic nom volnjē raj!
Tę spjevę nje chlechu czē snōznjē snu,
Co lede do smjercovech spjicho paj,
A spjevę ze zvękov naj porenku.
Ta spjeva je, ta spjeva rodzi stōł,
Ta z czure gromjisti choc robji prōł...

GULICEN:

Ceż czeję! Chteż jesce? Mje mirno je!
Czē nama ju volnjē zatrębjel róg?
Czē jimac sę łękov, czē wodca ždže?
Bō buchnał jes mje v pjers, že'm przeloz próg
I stoję jak njevjedni cēlu — dze?

ALIKS:

Dze bjōli zberk Ruje, dze Arkona
Vesok tim zemjom skl'nja — bjei tam!
Dze stołpę le vjidnim jak bliza zdrza
Kontina jejō — klęknjē tam!
Tam wuzdrzisz: dze... Tam deszē do-
(dosz chvat.

Stądk całi jem, stądk gusl' vzie muszi brat.

GULICEN:

Stądk veznje ję, bo vstoł ten, co ję dō.
Vstoł wotrok ji, co z Vjitrzebarda mō...

ALIKS:

Koźdi mō vjitrznjē, koźdi z te:
Žle vezdrzi v dno desze ē signje v grob
Slode, tam głębok jaž do dna.
I njizi, dze poli na chcenji znob
Wogjin ten chvalē naj, dze skra
Vjecznō tim czecim jestē je
Do volnjē zgrovē, wodpojēcō se!
Tam lud jō moj selom. tam vjitrznjō ždže.
Stądk spjevę mom czenu — ten grobov vdor
Ten słuńca, ten chajov, ten bolu zev!
Moj Boże, ten całi vjińc žēcō nasz,..
I takji to, ledu, ce dovom spjev,
Be's kanał wo svoje! E Reknjic zgvor
Do serca i głębok vęv dësżę znasz'. (pvm.)

Tobje Mestrze ě Szkolni naj

III.

Leżisz ju na swoim mólu. Sledni zeczbe Ce Skłodają nadTvoja trémą vjerni wotroce, Czorni Grif Ce woddżekivô — wobjimô jak mac; Knjezovą bo poczestnosć Ce znanką tą chce dac; Na stredzali Tvoje człónkji, na zastedłą skarn Prżęsigają Ce zrzeszińce mjec v poszeku barn; Że za Rodną Zemję, Starkov, za svjėti jidě Kožderni tu hevo z naji trud a žecě dô:

— Prżęsigomě Ce nasz Knjezu naji decha, serc, Że wod včehligo nas cělu wodervje le smjerc.
— Prżęsigomě Ce naj Knjezu barnjic rodną checz Bracinov, a soster najech, godkę, spjev ě zvez.
Prżęsigomě Ce nasz Knjezu na Krziż Nosvjętszi, Jiże deja Tvoja — naszą, v płom sę rozeskrzi. Prżęjimě ję. Chto zôs chěbą mjołbe jic, teho

(Děch

Tvoj njech mocą Boską powebroci v pjich!

IV.

Gornjô jdize. Vestrzod nji
V parminjach Kaszebskô skrzy,
A wu stopov Ji Tě kłęczisz
Dobetnim ju himnę zvěczisz,
Laurę wovjincovani
Słuńcę skarnjô Ce sklęnji,
A Wona Ce v rodni krôse
Prżęgarinô ręką do se.

Mě zazdrzali v tęgę krôs,
Ve vjidni Tvój Decha blôs,
Tvojihó pozdrzatu głodni
Sledné Zdovas slēmē rodne:
Vjolgji dechę, v Tvoji deje
Jidzemě v prżęchodni dzeje.

Vjerzt ledoví.

Podôł E r - Ka

Kaszeba

Oj! Nji mosz to, mjeli brace, jak kaszebskji ledze, Boc wu Kaszeb jeszcze nji ma tak vjolgji wobłudě, Bo Kaszebji, choci nje są žodni „profesore”, Baro vjernje służą Bogu i proceją v rolě. Hi dobetk doglądają, hi tež dzotkji wuczają; Tec na „Ostmarken culagji” wonji njic nje liczą; Bo Kaszebji dobrze vjedzą, że pjenjadz to zguba, A procô, woszczędnosc, cnota — to kaszebskô chluba. Vjęc Kaszeba, choc je cechi, lecz mô rozem v głovje. Won njikomu nje zaszkodzi, njic złeho nje povje, Jak to dzisi naszi vrodze sobje pozvolają — Choc są głupi, jak barani, za nama vołają. Czě chto sądzi z jinszech ledzi, że Kaszeba głupi — To njech prżińdze tu do Kaszeb — tu so rozem kupi. Bó mądroscą dziseszją Kaszeba so brzedzi, Czě chto som je głupi, jak bót, a z dregjich so szedzi.

ŻAŁOBNO AKADEMİJO NA TCZĘ SP. DR MAJKOVSKİJO

V njedzelę, 24 lizekvjata v sale „Hotelu Centralniho“ v Kartuzach, starą Akademjickjiho Kołka Kaszebov, wodpravja sę wuroczestô, żałobnô akademijô na tczę Dr Majkovskjiho. Kaszebji przeżivelě jakbe svjęto z mglavi slodě. Choba żoden z Kaszebov nje przebozcživô so takji swojskji i stateczni wuroczestnē. Jakuz spanjali to beł womeńt! A ko to młodô inteligencjô kaszebsko złoża kole stopov Vjalgjiho Sena Zemji Kaszebskji swoje vsaczecě i kłon. Woddôł to samo lud, chteren z mjasta i vsow prżęszed na akademiję, a beł ledztva vjele z przedstawjicestvę vładzov v. v. v. Budnika, vastě burmistrza Levińskjiho; „Stanjicę” toruńską reprezentovôł v. Al. Labuda. Vraženjē robja skromnô, ale efektovnô dekoracjô zdrzadnjē. Na pospodlim polskjich farvov, pod rozvjeszonim Czornim Grifę vjisoł wobroz Majkovskjiho, pęzła arstistē malorza vastě Szczeblevskjiho z Gdinjē. Na podjum przestrojonim v polskji farvę vjidnēł Worzeł Polskji. Dopelnjenjē dovalē zeleń ě reflektor posconi na zdrzadnję. Akademijô začę sę przewjitanjim Rodzeznē Wumarliho, przedstawjicelov i goscov i zagajenjim vastě Arendta. Beł to chudzi podżekovanjē za zagajenjē postępnj Majkovskjiho v budzenjim kaszebjiznē, i forma jakbe wobovjazanjiho słuženjô Jeho deje przez prôcę młodech „vėkormjonech sokama zvaloniho dęba i spjevę jeho vjetvov”. Tej szteruszkę ciszē vszetce wutcelē pamjęc Majkovskjiho. Dali vasta B. Sobczak vėgłoseł wodczet: Sp. Dr Majkovskji. Wukładno naznankovôł movca postaceję Majkovskjiho. Gves njejednemu stôł sę lubotnjejszim Majkovskji po wuczecim belnech słovov skomponovanech v snożą ě szczera całosc. Dalszim punktę beł spjev vastě A. Borzestovskjiho „Smjerc Svjętopek”, Jana Trépczika prżę akompanjamence vastkji Bałachovskji. Szekovni i vszczecovē vėkonanjē spjevē stateczno dżalało na zńdzonach. Wucz. gymn. M. Radtke v stroju kaszebskjim pjękno deklamova vjerszt Trépczika: Tobje Mestrze, . Melodramat vėkonani przez autora Jana Rompskjiho, z muzecznim wukładę preludjov Chopena vastkji A. Kolkovej, vprovadzeł goscov v stateczni zaslechanjē. Zresza sę desza Kaszebov, że nje jeden spuscał głovę i lize woceroł... Na zakuńczenjē akademije wodspjevani beł przez worganizatorov himn pogrzebovi Trépczika: Kaszebsko rodnô zemjo.

Całosc akademije vėpadła baro szekovno, statecznosc chvjilē beła wodczetô przez całi zindżoni lud. Stara karteskjiho Akademjickjiho Koła Kaszebov nje beła prożnô; wosta tesknota za Tim, co wuszed ě zadowolnjenjē po spełnionim wobovjazku tcevtortnotē Wodcē dęcha, Belnimu Kaszebje.

Bjedni są njechterni...

Co się czeje ë czeto

Zebranjé Kola Akademjikov Kaszebov

DE JE

V.

[illegible]

„Ruch Słowiański“ Nr 1 1938 z art. zavjero: Wielezińska — Ze wspomnień o Alfon i: Parczewskim (wodna loz jich sercem); dr M. Jakubiec — Nowe jugosłowiańskie Sienkiewiczianum. Na przednim molu przēnoszō ze snožnjā poeteckā napjisanī artikjelk „W ostatniej warowni“ — Zofiji Gostomskiji. Je to krotechnō wopovjostka wo Vendach. Spjā v gōrce zaklētī, v zapadlīm gōrdesz zu v zen i kjedes gvosni, zabeti sā. Scelelē sē posadlovja jejech wod Łabe ē Wodrē. Jak dzekji ptokji v wobarnjē zagazonech gnjozdov, stoveleē cvjardō przed nalinanijm v żelazło woblokłech vargov. Po zotopje historejō woddoba (wodziska) kavaluszk wobrozka, zblakłē wodbjicē czenov, cerpjenjov, krzivdov i belnotē, reszta zagjina pod povjostkā. Spjā wopjarti wo chrzēpte końskji, woroczoni zdovō jim sē vjidzā czase svoji chvalē. V boczevim sā zapatzenjim, Z gromade jejech chtos belnjeszi z rękā na mjeczu — sedzi na kamjenju. Wod vjele statat czekivajā v zemji zataconi. Na co? — Nad jejech głovama cezō mova; le starovni grobovjiszczā, popjelnice i urne wo jinšim movjā norodze. Spjita recerze, njicht vaji ju nje wobudzi. Ale spomink wo vaju tak dluogo mdze, jak žec bēdže bodej le jeden stori człovjek z vaji krēvjī, jakno to dalek, nad rzekā Dorzā abo Hobolā czē v dolinje redeńskji, abo na wostrovje Rugeji, v zapadlīm zomku, bene gore — spji krol slovjańskji z belnim vojarztvę. Jaž jedniho dnja, kjej grom wuderzi, vińdā ze zemjiszcza. Tej chvecā sē v posledni (ostatni) bjivtve, po chterni storē krolestvo povstanje v dovni spanjałoscē. Tak njese godka...

Nr 2. 1938 przenoszō midze jinima artikjele: Dr Józef Mayer — Aladza skalny klasztor nad Czarnym morzem z pierwszych wieków chrześcijaństwa; Bazył Gładzowski Bech — Jugosławia na arenie międzynarodowej; Władysław T. Wisłocki — Literatura serbsko-łużycka. Autor vskozivō na potrebn vzcō sē jivonjey do te nomjesziho norodu slovjańskjiho v morzu germańskjim. Jakno przykład te dovō ksāžke prof. Józefa Gołābka, chterna je jistā artikjelu.

— Nr 3 przenoszō midze jinima artikjele: Dr Wojciech Hejnosz — Z zagadnień filozofii dziejów czeskich; Sześćdziesięciolecie Milana Hodzy — Wł. T. Wisłockiego. Je to kjile slovov wo tczevortnim dlo norodu czeskjiho premjerze, prof. historeje na wuniversityce zevjiskja Komeńskjiho v Bratislavje, prezidenta Czechoslovackji Akademije Rolovi. Czādk ten je ve vjēkszym dzelu posvjiconi Czechom.

„Sprawy Narodowościowe“ dwumiesięcznik poświęcony badaniu spraw narodowościowych R. XI. 4-5. 1937. Artikjele: R. Bierzanek — Autonomia narodowościowa; S. Fogelson — Przyrōst naturalny

ludności żydowskiej w Polsce. Kronika. Recenzeje. Bibliografijō.

— Nr 6 1937 przenoszō: Dr Alfons Krysiński — Ludność ukraińska (ruska) w Polsce w świetle spisu 1931 r.; Zdzisław Stieber — Skład etniczny Słowacji; S. Fogelson — Wydawnictwa Głównego Urzędu Statystycznego oświeclajāce stosunki narodowościowe i wyznaniowe w Polsce. Kronika. Recenzeje

„Teka Pomorska“ dwumiesięcznik regionalny Nr 1-2 1938 R. III. Czādk ten ju jakno vchodajāci co dva mjesāce, posvjiconi je vjalgimu Pomorzu. Midze jinima przēnoszō artikjele: Ks. Paweł Czaplewski — Związki historyczne między starym i nowym Pomorzem; Józef Gajek — skład etniczny Wielkiego Pomorza; Tadeusz Silnicki — Uniwersytet Pomorski w Toruniu; Andrzej Bukowski — Aleksander Majkowski (wspomnienie pośmiertne). Autor naznankivō tu postacjē Dr Majkovskjiho, Jeho proce społeczno-kulterarni. Krzivdzi Go vo teli, že jēzek „Remusa“ jesz nazevō gvarā, a ko Majkovskji dol nama przez „Remusa“ leterarni jēzek kaszebskji — vasto Profesorze!

Tak czādnjik „Teka Pomorska“ je z vjalgā starā graficzno i v jisce vēdani.

— „Jantar“ — Organ Instytutu Bałtyckiego w Gdyni. R. II. z. 1 (5) marzec 1938 — rozprave: M. Kukiel — Zagadnienia bałtyckie wojny 1812 r.; R. Grodecki — Polska świadomość narodowa na Pomorzu na przełomie XIII i XIV wieku; Matti Lauramo — Z przeszłości Bałtyku; Marius Gormsen — Konwencje w Oslo. Dzel dregji — Sprawozdania: A. Schück — Szwedzko-bałtycka współpraca intelektualna; A. Almhult — Fundacja Nobla; J. Krajewska — Kropielnice gliniane na Kaszubach z XIX wieku; J. Chwalibińska — Sumariusz herbarza szlachtey prusko-polskiej w rękopisie toruńskim. Dzel trzeci zavjero 17 recenzjov vedavov polskjich i jinšech. Prenumerata roczno (4 zes.) 10 zł.

Vespolē z Tidzinjē Polskjiho Zvjāzku Zachodniho, vēdol tenze Zvjāzk broszurę „Przygranicze pańcerzem Rzeczypospolitej“ formatu 40 str. 30. Midze artikjelama vo rozmajiti jisce czetomē art. v. Al. Labudē — Region Kaszubski. Je broszura procemku do przednech vedavov belnim krokjē v przodk, a žeczlevotē do tak vepovjedzanijho przez Labudę wuvzcō kaszebjiznē vjtomē ze zadovolnjenjim. Art. mgr. Józefa Bieniasza — Zagadnienia społeczno-kulturne Pomorza. je też vjelevortni.

ROCZESNE

4. V. 1817 wurodzēl sē Fl. Cēnova
13. V. 1628 Vallenstein woblegivō Szteteno
23. V. 1628 Vallestein zaczinaje woblegivac Stralsund
24. V. 1806 Gdińsk poddovō sē marsz. Lefevre.
31. V. 1809. Danovje, Holendrovje i Woldenburczecze zajmivajā po Francezach Stralsund.

Tlukjē „Zrzeszē Kaszebskji“ v Kartuzach.